

M. 259. 45.


(X199 7487)

Za
6000

Wolffgangi Curionis / Officials
vnd Dechants zu S. Niclas / vnd S. Se-
bastians / auch Canoniken der Kalbaunen
zu Magdeburgk am newen marckt / beke-
rung / vnd wie er verpflichtung / bey der
reinen Religion zu bleiben / dem
gantzen Ministerio in der Al-
tenstadt Magdeburgk
vbergeben.



Abgekündigt in allen Pfarren / in der
Altenstadt Magdeburgk / den
26 Januarü / Anno
1564.



29



Wolffgangi Curionis gethon be-
kerung/vñ wie er verpflichtung/bey der
reinen Religion zu bleiben/ dem
ganzen Ministerio in der
Altensad Magdes-
burgt vber-
geben.

ꝛ

Ich Wolffgang Curio bekenne von hertzen/
mit hande vnd mit munde / fur Gott / fur
dem Christlichen Ministerio der löblis-
chen Alten Stadt Magdeburgt / fur allen
Pfarherrn vnd Predigern des heiligen Euang-
gelij/vnd fur der ganzen Christenheit / Das ich
nach der erkentnis der waren reinen vnd ges-
unden lehr / der heiligen lieben Vcter / Pas-
triarchen / Propheten vnd Aposteln / vnd des
heiligen vnd allein seligmachende Euangelij/
wie dis der selige vnd heilige man Gottes / D.
Martinus Luther gelert / vnd ich auch von ihm
entfangen / schendelichen vnd vnchristlichen
dauon deficiert vnd Apotastirt / wieder abge-
fallen vnd abtrünnig worden bin.

Vnd nach dem ich dan (vornittelst Got-
tes Worts) durch mein eigen hertz vnd gewis-
sen / im grunde vñnd warhafftig mehr denn
genugsam vberzeuget bin / das ich hierin mit
meiner defection vnd Apopasia/von Gott vnd
seinem

seinem wortt/zum Papst dem verfluchten Ene
techrist / vnd also bis in abgrundt gefallen/
wieder Gott vnd viel frommer Pastorn vnd
Prediger des heiligen Euangelij / wieder das
Christliche Ministerium / vnd wieder die heis
lige Christliche Gemein / aller dreier Stedte
Magdeburgk / wieder Bürger / Baur / wieder
alle erbare ehrliche Frawen vnd Junckfrawen /
die ich mit meinem gewlichen bösen vnd
schnöden leben geergert / vnd den heiligen
Geist in aller frommen Christen hertzen bes
trübt / zum heffstigsten / gewligsten vnd
vchristlichen gesündiget / vnd viel mehr vbels
vnd vnglücks / dann mir bisher wiederfahren/
verdienet / Ja auch den anbrennenden Zorn
vnd das schreckliche Gerichte Gotes auff
mich geladen / vnd beide zeitliche vnd ewige
straffe vber mich geheuffet / den ewigen Todt
vnd das Hellsche feuwr wol verwircket / Darcin
ich auch letztlich kommen / vnd (da ich mit einer
ernsten / hertzlichen / waren vnd Christlichen
Busse / zubeforderst mit Gott / vnd allen
denen so ich geergert / mich nicht vereinigen
vertragen vnd versichern würde) ewig darinne
verflucht / verdampft vnd g. peiniget werden
müßte / Solchs erkenne vnd bekenne ich in meis
nem gewissen von hertzen / vnd dancke Gott/
das er mir der zeit vnd weile zu meiner bekerung
vergünstet vñ gegeben hat / So bitte ich derwe
gen vnd zum ersten Gott / den Vater vnfers lie
ben

ben Herrn Ihesu Christi/ vmb vergebung aller
meiner sünden/ inmassen ich die beide wider die
erste vnd ander Taffel begangen/ Bitt auch als
le trewe diener Christi/ wieder die ich jemals
gehandelt / Bitte volgendts das Christliche
Ministerium der Altenstadt Magdeburgk/
das ich in sonderheit schwerlich beleidiget/ Bit
auch die ganze löbliche vnd Christliche Ges
mein / aller dreier stedte Magdeburgk / die ich
alle zum greulichstē geergert/ vmb verzeihung
vnd vergebung/ Diese alle wollen (bitt ich von
herzen) mir alles was ich jemals wieder sie ges
handelt vnd gethan / vmb Gottes vnd seines
lieben Sons Ihesu Christi willen / verzeihen
vnd vergeben/ vñ wollen den lieben Gott trew
lich fur mich bitten/ das ich hinfurt mich bessern
müge.

Vnd stehe hir fur dem Angesichte Gottes
vnd der heiligen Dreifaltigkeit / vnd bekenne
von hertzen/ mit munde vñ eigenem Gewissen/
Das das ganze Papstumb / mit seinen Tradis
tion vnd Ceremonien / in alles (nach der lere
des heiligen Apostels Pauli) des Antichrists
vnd eine lere des Teuffels sey / Bekenne auch/
das der Papst der ware Antichrist ist / sampt
meinen Canonicatis vnd Decanaten / welche
ich von jm entfangen / vnd bishero gebraucht
habe/ vnd alle so jm geschworn vnd zugethan vñ
anhangich sint/ Vnd wiederruffe/ vnd verleug
ne/ verschwer vnd athamisier / verleugne vnd
A iij verdamme

verdamme solchs Bapstumb / alle seine Ceres
monien / meine Canonicat vnd Decnat/
samt den Gottlosen vnd Teuffelschen offer-
messen / mit aller Antichristischen gesellschaft /
vnd bekenne dariegen / das die lere der heiligen
Patriarchen / Propheten / Aposteln / die drey
Symbola / Apostolorum / Athanasij / Niceni /
vnd die Auguspurgische Confession / die Anno
30. zu Auguspurg dem Keyser Carolo vberge-
ben / vnd die lere / so Lutherus (wie obgedacht)
gepredigt / vnd das Christliche Ministerium
dieser Altenstadt Magdeburgk izund noch le-
ret vnd predigt / die reine gesunde vnd seligmas-
chende lere Ihesu Christi allein ist / Bekenne
auch / so ich oder jemant eine ander lere oder E-
uangelium leret oder predigt / das der sey ein Ana-
thema / vnd fluch sol gehalten werden / zu dieser
waren vnd heilsamen lere / thu ich mich hie auff
ein neues bekennen / gelobe vnd schwere / vor-
mittels Götlicher gnaden darbey zu bleiben /
leben vnd sterben / Gelobe vnd schwere das mit
solcher beständigkeit vnd bewilligung / auff dem
fal / da mich mein Fleisch / Bauch / Welt oder
Teuffel (da mich Gott trewlich fur behüten
woll) hinfurder einiges mals wieder wie vor-
mals (als ich nicht hoffe) absüren würde / das
ich des Leidens / Creuzes / Blutwunden / Mar-
ter / Todt / vnd alles verdiensts Ihesu Christi
an mir würde verlorn sein.

Zum Andern bekenne ich auch / wie ich
im

im stehenden ampt der Officialen / gar mannig-
gem Pastorn vnd diner des heiligen Euange-
lij Ihesu Christi / mit dem verfluchten gelde /
die Procuracion genandt / wehe gethan vnd be-
trübt habe / wie mir das mein eigen gewissen
freilich selber zeugen mus / Bitte derwegen
solche alle vmb verzeihung / Gelobe vnd sage
gleicher gestalt zu / das ich nun vnd alle mein
tage / nicht einigen Menschen betrüben wil / so
war mir Gott helffe.

Zum dritten bekenne ich / das ich das Christ-
liche Ministerium der Altenstadt Magdes-
burgk / alle Pfarherrn vnd Prediger vnd Kir-
chendiener / semplich vnd sonderlich mit meis-
nem Gottlosen vnd sündtlichen leben / grös-
lich vnd vielfeltig beleidiget habe / vnd darumb
zu gleich wieder Gott vnd sein heiliges wort
gesündiget / Bit derwegen auch diese vnd alle
semplich vnd sonderlich vmb vergebung / Ich
sage hiermit zu / gelobe vnd schwere / auch mich
in allen den tagen meines lebens nach dieses
Ministerij lere zu halten / vnd anders keine.

Zum vierden bekenne ich / das ich die ware
Christliche Kirche / vnd aller dreier Stedte
Magdeburgk vnd die gantze Christenheit / mit
meinem abfal vnd Gottlosem leben geergert /
vnd vielfeltig wieder die gesündiget / Bitte
auch vmb verzeihung / vnd das mich die liebe
gemeine Gottes wiederumb fur ein gliedt der
Christlichen Kirchen erkennen / vnd als ein vor-
loren

loru Sohn vnd Bruder / wieder an vnd in ire
gemein vmb Gottes willen auffnehmen wolte/
vnd bitte das Ministerium / das man meine bit
te vñ bekerung / der Gemeine Gottes mit mei
nem namen anzeige vnd verkündige / Gelobe
gleichfals / vnd schwere bey meinem Gewissen /
bey meiner letzten hinnefert / vnd bey verlust
meiner seelen seligkeit / bey dieser Christlichen
Gemeine Gottes todte vnd lebendig zu bleiben.

Zum fünfften Bekenne ich / das ich viel
ehrliche vnd züchtige Matronen / Frauen vnd
Junctfrauen / Bürgern / Bauern / vnd viel
vnschuldige hertzen / mit meinem vnzüchtigen /
vnehrlichen vnd vnkeuschen leben geergert ha
be / Bitte die auch alle vmb verzeihung vmb
Christi willen / vnd gelobe hiemit an / das ich
von solchē vnkeuschen / vnzüchtigen vnd schänd
den leben abstehe / vud je ehe je lieber / zum heis
ligen stande der Ehe wieder greiffen vnd mich
beehligen / vnd mein leben in aller zucht vnd
erbarkeit zubringen wil / so war mir Gott
helffe.

Zum sechsten bezeuge ich solches alles / wie
obgesagt / mit meinem hertzen vnd gewissen /
vnd bekenne es mit meinem munde / vnd zu bes
stendiger verwissierung / Confirmir vnd bekräfti
gige / zu gleubiger versicherung / Ich dis alles in
sonderheit / mit meiner eignen handt / damit ich
dem gantzen Ministerio dieser löblichen vnd
Altenstad Magdeburgk abgebeten / gelobet / zu
gesagt


Ka 6000

OK

gesagt vnd geschworen / vnd versichere vnd vers
ware das hie mit meintm eignen Secret vnd
Sigil / das ich solchs alles bekennet / angelobt /
vnd bey verlust ewiger seligkeit zuhalten ge
schworen habe / Warne vnd bitte hiemit alle
junge vnd alte / so dem Papst dem Antichrist
geschworen sind / alle sündler vnd sündlerinnen /
vnd jederman wolt ein Exempel an mir nemen /
vnd mich inen ein spigel sein lassen / das sich die
beteren in der zeit / vnd bitte für mich die ganze
welt / das ich ja bestendig bey Gottes wort blei
be / vnd das wir alle selig werden mügen /
A M E N.

116





Inches

Centimetres

Farbkarte #13

B.I.G.

Blue

Cyan

Green

Yellow

Red

Magenta

White

3/Color

Black

(7847 561X)

ionis / Officials

Niclas / vnd S. Se
niken der Kaldaunen
newen marckt / befe
pflichtung / bey der
u bleiben / dem
erio in der M
agdeburgk
eben.



llen Pfarne / in der
gdeburgk / den
rū / Anno
1.

